

左恪靖侯奏稿續編

恪靖奏稿續編卷七目錄

擒逆北竄回逆披猖自請嚴議摺

續陳籌辦米捐情形摺

剿回大勝岐山解圍摺

邠州等處剿回情形片

延川收復及回擒蹤迹片

剿回疊獲大勝摺

高連陞等剿賊情形片

擒逆渡河犯晉自請從重治罪摺

請調馬德昭駐守運城片

留劉典等剿辦陝回片

擒逆北竄回逆披猖自請嚴議摺

奏爲擒逆北竄連陷延川綏德兩州縣現籌分途截剿
狗逆同時披猖蔓延日廣現籌分途堵禦並請

旨先將臣交部嚴加議處仰祈

聖鑒事臣於本月初一日具報劉松山郭寶昌兩軍由

洛川追賊中途突遇狗逆阻截李祥和劉芳桂先後傷
亡其時擒逆尙盤踞空川北界也提督劉厚基覘賊於
二十二等日北竄延長二十四夜丑刻急起追之行
二百三十里二十六日至延川縣南二十餘里曹家灣

連日擊賊共擒斬百數十名訊據賊供賊之前隊已於
二十二日分股陷踞延川縣城前隊仍向清澗而竄劉
厚基擬於二十八日滾營前進先剿延川踞賊然後進
清澗綏德以免後顧之虞頃據吳堡縣知縣呂懋勛初
一日馳報捻逆由清澗直趨綏德州前月二十七夜四
鼓勇丁內變勾捻入州城遂陷山西按察使陳湜稟報
略同竊維臣當捻逆北竄之時原調劉松山郭寶昌由
洛川宜川延長延川清澗吳堡綏德一帶以抵榆林蓋
欲傍大河西岸截賊東竄也嗣賊由鄜州甘泉折竄宜

川劉松山郭寶昌各軍正由白水洛川以赴宜川恰與
捻逆和值正冀機勢稍順不料李祥和劉芳桂行走落
後十九日遇狃逆失利劉松山等還軍救援又因候輜
重購糧食延誤數日至二十七八等日始齊抵宜川而
賊已於二十二日陷延川二十七日陷綏德矣前據劉
松山呈報二十九日由宜川取道延安相機追剿臣比
飛緘以綏德榆林爲歸重之所不可徒事尾追計劉松
山等於此數日內早已行過延安如聞綏德失守必速
赴榆林但相距日遠此時尙未得其續報耳臣前在潼

關時與陳湜細談山西防河要略如防偷渡則以提西岸船隻過東岸爲要但能辦理切實必無疏誤至冰橋之結向在大雪後或冬至前後亦有一定處所如吉州之麻子灘至馬冀灘甯鄉之碗窩村至莊子嶺向來結冰最長現在賊已竄過延長陷延川綏德追軍已抵延川之南是甯鄉吉州一帶縱將來結冰亦無可慮其綏德州對岸之永甯甯鄉葭州對岸之興縣臨縣神木府谷對岸之河曲保德臣前已咨行山西撫臣趙長齡按察使陳湜大同鎮總兵馬陞早爲準備惟馬陞以鎮撫

存營兵丁僅二千餘名呈覆祇能拔一千名赴防河曲
保德臣嫌其單仍飭陳湜速催所部協防河保一帶兩
岸山高徑仄水橋結成亦頗難渡入冬以來天氣晴和
尚非結冰橋之時捻逆畏追師速至或未必入留所慮
者前次片奏由膚施關入安塞縣之另股臣疑其前赴
宜延台併頃據署安塞縣知縣王魯庭稟報縣城於十
五日收復未詳賊踪所向而署甘泉縣知縣魯學浩稟
報安塞之賊是邱大肚現向北路真武洞竄走係走銀
條梁大路恐其由銀條梁邊外竄犯包頭而甘肅土匪

董福祥仍踞花馬池其甘肅之潰卒游勇哥老會匪股數紛繁必互相勾結秦省兵力既難追截甘省防軍又難深恃不得已又飭陳湜將所部親兵等營赴河保替出大同防河保之兵預防包頭以期兼顧此捻逆紛竄現在籌辦之實在情形也捻逆竄入北山後溜勾猖逆牽制官軍前經劉典高連陞於前月十五六等日痛剿後克氛稍挫然陝獨之遁入甘肅慶陽甯州正甯鎮原清水者同時竄擾絡繹奔赴鳳邠汧隴之間日日警報紛來實難收復後前月二十八日晨刻有大股猖逆

自汧陽徑赴鳳翔府城總兵孫立士督所部馬步三營
縱橫血戰死之三營均敗弁勇傷亡甚多適臣派提督
銜總兵楊和貴帶後路五營總兵周金品馬隊三百餘
行抵扶風二十八日聞鳳翔被圍二十九日由扶風赴
援行過岐山縣西二十餘里橫水鎮日已暮矣騎賊從
空堡衝出楊和貴排礮轟擊之昏黑之間不辨擊斃多
少賊敗走楊貴和周金品仍復結隊徐行二鼓後始抵
郡城東門計是日已行一百一十五里矣夜分急築營
堡三十日黎明賊眾蜂擁而來騎賊五六千由東西兩

路直撲城壘楊貴和周金品各率馬步隊分布東西兩門橫排齊進嚴整如一悍賊猛撲而前我軍呼聲震天鎗礮齊轟立斃衝鋒悍賊四十餘人馬帶傷者無數賊遂奔潰城圍立解追至三汭鋪而還而先夜橫水擊斃之賊於是口紛竄岐山扶風兩縣之間已出官軍之後本月初一初二等日騎賊愈增岐山勢殊岌岌楊和貴尙無報至臣方調防渭各營西趨扼之而澄城忽報鄜州境內猖逆又向洛川白水竄入縣境黃龍山塢原等處將犯韓城郃陽而渭防又急現飛調臣部中路五營

之在宜君者速回臣擬親率西行也鳳翔縣知縣盤獲
狗逆李坏榮據供甘肅狄河狗逆已由清水張家川而
來令伊來鳳翔探信是卽甘肅招撫未成旋撲省城之
悍賊臣前飭道員黃鼎率所部八營由邠州赴鳳翔據
報三十日可抵汧陽計可相檄夾擊然亦未得其到汧
陽後續報此狗逆乘間紛竄現籌剿辦之實在情形也
計主客各軍之在陝省者劉松山所部一萬有奇郭寶
昌三千人劉厚基馬步三千有奇此爲剿擒之軍高連
陞五千人本飭其由酈甘以赴延安現爲宜君中部之

猶逆所牽制日日出隊未得痛剿不能卽赴延安劉典
一軍五千人分駐同官耀州三水防剿獍士各匪臣部
各營共一萬有奇除楊和貴周金品馬步三千餘現在
鳳翔總兵周紹濂所部二千餘現在宜君外其中書吳
士邁之宗岳軍千餘現在渭防其升營奇營新前新左
兩旗新立清渭水師兩營及臣親兵營千餘名均分布
潼關華州華陰渭南臨潼一帶所調之吉林馬隊現飭
記名副都統喜昌勉挑千餘名從新訓練尙未能戰所
有嗜好太重及游手無賴之徒正擬撤遣令歸旗籍此

外陝省舊有各軍均因欠餉太久士氣不振向係每月
給十日口糧每食不飽臣憫其苦每月加給五日口糧
而陝省兵燹之餘百物昂貴雖月給半餉亦究難免饑
寒臣雖責之以義不能諭之以情也以現在局勢言之
捻自南而北千有餘里猶自西而東亦千有餘里而主
客各軍之數僅止於此合計不敵山東諸軍三分之一
而陝西剿捻兼以剿獍又須兼顧甘肅之餉剿甘肅之
賊兵力餉事之應手與否臣不敢知事之獲濟與否臣
亦不敢知惟有殫誠盡瘁圖之而已竊念臣軍自六月

中旬入關以來先爲時疫所苦八月初六以後至九月
二十七日捻逆北竄中間爲大雨積潦所厄事機不順
莫甚於此然自問亦實有調度乖方之處兵事餉事向
歸臣一手主持自當獨任其責現在局勢艱危州縣城
池疊陷臣無所逃責應請

旨將臣交部嚴加議處以示懲警其失守文書下落及
應請

卹典各將弁容卽查明續報謹據實馳陳伏乞

皇太后

皇上聖鑒訓示施行謹

奏同治六年十一月初八日

續陳籌辦米捐情形摺

奏爲續陳籌辦米捐情形恭摺仰祈

聖鑒事竊臣前請推廣米捐以濟甘飭一摺奉

旨戶部速議具奏單併發欽此昨准陝西撫臣喬松年

將戶部核覆臣所請推廣米捐一摺抄咨到臣除臣原

單所稱廣平本係庫平繕單時庫字誤作廣字業經咨

部更正外查部臣核覆各條惟分缺先前分缺間前本

班儘先新班遇缺儘先補用各班次及道府州縣應
交捐免保舉之項未准收捐應毋庸議其餘核准各條
應卽條列設局收捐章程咨部核考惟道府州縣五項
及捐免回避離任應係並保舉各員分發後報捐指省
各條限收捐一年者部議以部

臣覆奏奉

旨之日起扣足一年卽行停止竊思由

臣

行營委員赴
各省設局及咨報收捐章程聽候部復均需時日自部

臣覆奏奉

旨之日起限未免爲時太促名爲一年實恐不足十月

現在陝省收捐州縣一條已奉部復准自設局之日起
限所有甘肅推廣米捐准收一年各條應請

敕部亦准以設局之日起限各省設局先後不齊應卽
以此次戶部核准收捐章程咨覆到臣行營之日爲設
局之日以昭劃一又據前辦四川捐務道員楊柄鏗面
稟川省勸辦職銜貢監各捐頗堪積少成多須多發執
照方易勸捐等語合再懇

恩勅部再發五七八品職銜空白部照五千張貢監
空白部監照各五千張並前請各項空白執照五千張

一併發遞臣營以便分發各局填用至前護理陝甘總督恩麟奏准六條除捐免回避離任三條外其捐免坐補及在任候選捐免引

見降革人員捐復四項本准甘省兌收可否並邀

恩准歸入米捐辦理並由戶部鈔發議覆恩麟原摺六條以資遵守之處出自

聖裁除將設局收捐章程咨請戶部核覆外謹將籌辦米捐情形恭摺附驛具

奏伏乞

皇太后

皇上聖鑒訓示施行再此次收捐濟餉臣軍與甘軍均
資撥用如前次部文已行甘省督署臣穆圖善業經委
員設局則與臣所委之員合局辦理如穆圖善仍咨臣
酌定則由臣委員設局將所收捐款隨時酌量分撥合
併陳明謹

奏同治六年十一月初八日

軍機大臣 字寄同治六年十一月十四日奉

上諭左宗棠奏捻逆連陷延川綏德兩城回逆同時披

猖自請嚴議並續陳籌辦米捐情形各一招覽奏已悉
捻匪由延長竄陷延川縣城前股由清澗直趨綏德州
城亦被竄陷鳳汧一帶回氛復熾亟應迅籌剿辦劉松
山等軍已由宜川延安進剿卽著左宗棠喬松年庫克
吉泰檄飭劉松山等分途截剿將失守各城迅圖攻克
劉典亦當派兵進剿力遏賊氛延綏各屬與晉省僅一
河之隔處處可渡著趙長齡仍遵前旨嚴飭陳湜兼顧
督率在防各軍加意防範將西岸船隻盡數提過東岸
毋令擾及晉境致干重咎河曲保德一帶尤關緊要左

宗棠已飭總兵馬陞撥兵一千名與陳湜所部親兵前往防守並著趙長齡飭令該臬司等勤加偵探加意嚴防勿任一匪竄越其闌入安塞之匪現向真武洞竄去思由銀條梁邊外竄犯包頭與花馬池等匪互相勾結左宗棠已飭令陳湜騰出大同防軍前往包頭堵禦並著裕瑞桂成趙長齡檄飭帶兵各員確探賊蹤妥籌布置毋任該匪闌入左宗棠務當妥爲布置責令帶兵各員由東北逼向西南以期力保完善鳳隴等處回氛猖獗甘肅回匪乘機竄擾意在與捻匪相結牽制官軍著

左宗棠嚴飭楊和貴等與黃鼎等軍合力夾擊並將鳳
翔及洛川白水等股迅籌剿滅毋任蔓延爲患致剿辦
更難得手左宗棠統兵剿擒任令該匪竄陷延川綏德
兩城殊難辭咎著加恩改爲交部議處所陳籌辦捐米
章程卽著照所請辦理將此由六百里諭知左宗棠庫
克吉泰裕瑞桂成喬松年趙長齡並傳諭劉典陳湜知
之欽此

奏剿回大勝岐山解圍摺

奏爲官軍截剿陝甘大股悍回於汧陽鳳翔兩次大獲
全勝并解岐山之圍回逆被創返竄恭摺馳陳仰祈
聖鑒事竊臣宗棠於本月初八日具報分途籌剿捻逆
堵禦回逆情形其時鳳翔府城雖已解圍而陝西大股
悍回崔三正喉甘肅河州狄道悍回米賈張非兩大股
合併入犯勢更披猖內而岐山扶風外而汧陽隴州同
時告急提督銜記名總兵楊和貴總兵周金品自十月
三十日擊退圍撲鳳翔之賊次日正擬東剿岐山之賊

忽聞河狄悍回米賈一股已至鳳翔四十餘里之柳林舖因卽勒兵迎剿時道員黃鼎一軍適由靈臺赴汧本月初一日行抵距汧陽之二十里之紅旗鎮知河狄逆回張非一股於辰刻竄撲汧陽縣城經該縣知縣鄒常泰擊退踞城東二十里之黃里舖遂於初二日五鼓馳赴城東五里之龍王廟該逆圍攻集後堡寨已垂破矣黃鼎飭五營築壘自率三營及親兵馬隊進至余家嘴該逆列步賊四五千於楊家原上而以騎賊四千餘分布汧川黃鼎正指揮間該逆步騎兩路分撲官軍黃鼎

督隊轟擊雖迭斃悍逆而該逆愈撲愈近刀矛相接副將銜參將徐占彪率正營自後馳來大呼陷陣縣丞雷炯參將陳金彪率副營自左路上原抄下奮力進擊斃賊百餘名賊皆返奔步賊自相擁擠墜崖落澗者四五百名悉被雷炯陳金彪等圍殺生擒回目王拴拴馬者馬等八十三名餘賊潰逃徐占彪與副將邱國良馬隊由川中追逐直抵黃里舖騎賊悉敗入村中首逆張非披紅袍喊黨回撲徐占彪督隊鏖戰邱國良抄出村後擲火燒屋該逆驚惶失措徐占彪乘勢掩入馬牛填咽

回眾大亂官軍用矛截張非中背墜馬陣斬回逆千餘
名比追出街口騎賊見我軍兵單勒馬返撲我軍稍卻
徐占彪手及退後者一名督隊出街口堵禦黃鼎急從
楊家原抄下擊賊之腰賊勢不支悉由五里坡黃家原
邊子一帶奔上高原憑高死拒分千餘騎由原上繞下
截我後路黃鼎飛調參將劉竹田鎮西右營游擊劉德
良德字營由原上橫截騎賊並調派都司龍常右營總
兵趙雲鳳後營分兩路上擊五里坡之賊都司楊朝元
左營與副將王其發發字營分兩路上擊黃家原之賊

龍常等直上五里坡賊中飛石如雨右營幫辦縣丞楊作舟被石中腦陣亡勇丁亡者三名傷者十餘名賊卽逞直撲下營官官長勝哨長朱蘭亭下馬持矛率隊迎擊我軍卻而復前龍常揮眾猛進斃悍賊數十名賊敗退原上黃鼎令千總夏桂林以炸炮擊之五發斃賊甚夥五里坡之賊遂潰楊朝元進至楊家原半坡勇丁受石子傷數名王其發繼由左側分兩路衝上勇丁被賊飛石中傷者又數名王其發督隊奪路而上斃悍賊十餘名楊朝元亦乘勢衝上左右夾擊共斃賊二百餘名

其原上繞下之騎賊亦爲劉竹田劉德良驅蹙多名賊
眾同時敗走彭祖原日暮收隊分駐黃里舖龍王廟是
日共斃賊約三千名生擒八十餘名奪獲馬匹騾驢約
有三千有奇又子鎗四十三桿旂幟糧食山積訊據馬
者馬供甘肅河州人與首逆米賈張非同鄉米賈爲阿
渾又名甘牛阿張非歸其調遣米賈張非因捻逆勾結
各選悍黨一萬內有番回父子鎗手一千名欲往西安
會合捻逆共攻省城等語當卽斬之此黃開一軍在涇
陽剿回大獲勝仗之實在情形也張非一股受創後餘

賊與米賈崔三兩股合作方縱橫鳳翔岐山扶風之間
初一二等日大股至岐山破城外各堡攻城甚急楊和
貴周金品之赴鳳翔也因急於趨程留輜重礮賊之重
輦者於岐山縣城交所部各營幕友周其俊等率馬步
弁丁二百餘名護之至是分布四城誓以死守屢次擊
退撲城之賊初二日馬隊右營幫辦副將吳禧德自臣
宗棠行營至岐山入城督防初三日賊騎突入城西附
郭土堡楊和貴幕友軍功徐樹楠率壯士十餘名縋城
擊賊鎗斃悍賊多名賊猶抗戰親兵熊國亮斫斃騎賊

一名賊卻走各勇奮擊賊且戰且走共斃賊三十餘名
徐樹楠熊國亮均被鎗子傷懷勇丁陣亡三名受傷四
名初四日賊騎大至城西里許蟻聚蜂屯吳勝德周其
俊商令親兵守備姚銓多發間花礮擊之再發斃賊騎
數十名賊駭而奔少頃復攻破城南姚家堡旋向西南
折竄其擾及扶風境內者攻寨掠糧四處焚殺至四五
等日亦漸西去維時臣宗棠所調援師甫從宜君臨潼
分道西上楊和貴等初四日出擊鳳翔柳林鋪東竄之
賊賊分各堡中而大股東向奔竄官軍搜剿伏賊鎗斃

甚夥追二十餘里仍回鳳翔賊目見官軍隊伍甚單後
無策應初五夜悉合岐扶騎賊環伏鳳翔之四頭果園
關村太相寺等處初六日辰刻游騎圍攻鳳郡東廩桿
村堡意圖誘我出擊肆其包抄楊和貴揣該逆將已重
圍陷我然非深入不能多殲悍賊遂率五營九成隊二
千餘人作梅花陣成列而出周金品馬隊三百餘騎分
列步隊兩旁將抵郡東桃源堡賊佯退誘我比官軍前
進伏賊齊出一由四頭果園犯官軍之前一由關村太
相寺襲官軍之後分股由西路東路塘坊三崗子抄官

軍之左右騎賊步賊約共兩萬數千如墻而進氣殊驕甚楊和貴周金品從容結隊且戰且行鎗礮連環轟擊斃賊已不少矣而悍賊仍恃眾環撲如故楊和貴周金品率壯士四百餘精騎八十餘從陣中出向賊勢最厚之四頭果園塘坊等處奮威衝殺一面嚴飭各營結陣隨行痛轟四圍之賊賊下馬攢矛叢刺前者甫卻後者繼進自己至申盛戰四時之久賊屍枕藉猶復拚死搏鬥官軍愈戰愈奮銳不可當楊和貴所部營官參將劉春藻哨官副將枕後德游擊虞有勝均裹創血戰各弁

勇無不一以當十共斃悍賊二千餘名斃賊馬二三百匹帶傷而逃者不可數計正酣戰間黃鼎已馳抵鳳郡未及傳餐遽出隊分路策應楊和貴周金品從賊中橫截而出兩面夾擊斃賊尤夥賊遂大敗紛紛竄走比官軍收隊回城則漏已二下矣是戰於危險之中克獲全捷僅陣亡勇丁一名受傷二十餘人城中士人驚怖之餘見官軍殺賊無數無不舉手加額也賊自此次大敗後固匿不出初七日三鼓悉向鳳翔東北川口入山繞道狂逸黃鼎追至靈臺不及而返此楊和貴等鳳翔剿

回大獲全勝及分守岐山縣城擊退悍回大股之實在情形也臣等查此次陝回崔三糾合甘肅河狄悍回米賈張非兩大股共三萬餘人乘官軍入山剿捻伺間內犯有長驅直入之勢臣宗棠先檄黃鼎自邠赴鳳黃鼎偵賊至汧出其不意截擊張非一股先破後路之賊楊和貴周金品馬步不滿三千人所剿者崔三米賈兩大股方其馳抵鳳翔賊已分股竄擾岐山扶風一帶出官軍之後矣孤軍中立勢極危險卒能以礮車堅陣破騎賊二萬有奇殺傷過當實出望外卽留守輜重之馬步

一百餘人當此劇寇環攻竟能憑城擊賊得保無虞亦非如願所及臣宗棠方檄總兵周紹濂由宜君折回總兵左日升於奇泮山臨潼拔隊來渭西上正擬自率親兵繼發而楊和貴等初六日大捷之報率至以此暫緩西行是役陝甘巨股悍回併力東趨兇餓甚熾黃鵬揚和貴以寡擊眾以步敵馬一以奇勝一以正勝機勢湊拍戰緒昭彰應懇

天恩優加獎勵以作士氣提督銜記名總兵楊勇巴圖魯楊和貴請以提督記名請

旨簡放並請

賞換清字勇號總兵周金品請

賞給勇號按察使銜留陝補用道員果勇巴圖魯黃鼎
請交軍機處記名遇有陝甘道員缺出請

旨簡放並

賞加二品頂戴黃鼎所部尤爲出力之補用總兵趙雲
鳳請交部從優議叙升用總兵陝西補用副將邱國良
請

賞給勇號總兵銜副將王其發請以總兵儘先補用副

將銜參將徐占彪與金彪韋占雄均請以副將儘先補用徐占彪並請

賞給勇號參將劉竹田請

賞加副將銜游擊劉德良請

賞加參將銜都司楊朝元龍常均請以游擊儘先補用
守備銜藍翎千總朱蘭亭請以守備儘先補用並請

賞換花翎把總周廷楨請以千總儘先補用並

賞戴藍翎遇缺卽選知縣王時邁請

賞加同知銜五品銜卽選縣丞雷炯請俟選缺後以知

縣儘先補用候選教諭侯肇封請俟選缺後以知縣不論雙單月遇缺卽選力戰陣亡之卽選縣丞楊作舟請勅部照知縣陣亡例從優議卹外委楊國昌請照把總陣亡例從優議卹以慰忠魂其楊和貴周金品所部尤爲出力各員弁及岐山守城員弁勇丁應據摺請

獎者最多俟楊和貴等開擬保單到日再行會核續奏請

獎其餘在事出力各員弁可否擇尤彙案保

奏之處出自

天恩所有汧陽鳳翔剿辦陝甘悍回大獲全勝並岐山
解圍各緣由謹合詞恭摺馳

奏伏乞

皇太后

皇上聖鑒訓示施行謹

奏

同治六年十一月二十二日

同治六年十一月二十八日內閣奉

上諭左宗棠等奏官軍剿回大勝岐山解圍一摺陝西
回匪崔三糾合甘肅回匪米賈張非等股匪竄汧陽鳳

翔等處道員黃鼎等率軍截擊張非股匪十一月初二日在汧川黃里舖五里坡處迭次接仗共斃賊三千名生擒八十餘名奪騾馬三千有奇旗械輜糧甚多該匪被剝後與崔三米賈合竄鳳翔岐山扶風等境總兵楊和貴等分兵堅守岐山擊退撲城賊匪縣城解圍初四五六等日出擊鳳翔竄匪無戰不勝共斃悍賊二千餘名黃鼎一軍復馳出策應兩面夾擊斃賊尤多該逆等遂向鳳翔東北川口繞道竄走此次官軍以少破眾大挫賊鋒洵屬異常出力在事員弁自應量予恩施以紹

激勸總兵楊和貴著以提督記名請旨簡放並賞換瑚
松額巴圖魯名號周金品著賞給鋒勇巴圖魯名號道
員黃鼎著以陝甘道員用並賞加二品頂戴黃鼎所部
尤爲出力之總兵趙雲鳳著交部從優議敘副將邱國
良著賞給壯勇巴圖魯名號王其發著以總兵儘先補
用參將徐占彪等三員均著以副將儘先補用徐占彪
並賞堅勇巴圖魯名號劉竹田著賞加副將銜游擊劉
德良賞加參將銜都司楊朝元等二員均著以游擊儘
先補用千總朱蘭亭著以守備儘先補用並賞換花翎

把總周廷模著以千總儘先補用賞戴藍翎知縣王時
邁著賞加同知銜縣丞雷炯著俟選缺後以知縣儘先
補用教諭侯肇封著俟選缺後以知縣不論雙單月選
缺卽選陣亡縣丞楊作舟著照知縣陣亡例從優議卹
外委楊國昌著照把總陣亡例從優議卹楊和貴等所
部尤爲出力各員及其餘出力各員并均著左宗棠等
核寔奏請獎勵該部知道欽此

奏邠州等處剿匪情形片

再陝甘回逆及潰勇土匪分股竄擾邠州三水宜君中

部洛川一帶經臣等分飭堵剿已革提督譚玉龍一軍於十月三十日剿辦邠州紅崖堡安家堡等處回逆斃賊數十名十一月初一日督隊進剿州北永樂鎮踞逆該逆四五千騎分三路猛撲譚玉龍亦分三路迎擊鏖戰三時斃賊四五百名賊潰走參將張德林首先陷陣身被七創千總張玉林頭受炮子兩傷皆歿於陣傷亡勇丁十七名初二日賊騎繞向三水初四日至距縣城二十里之太峪鎮臣劉典飭總兵陳集賢副將李世顏副將銜參將蕭雅泗參將祝鑑嵩賀潤蘭禦之城西十

里南宮太乙兩村間賊設伏羅家嘴更分三股撲陣數次我軍屹立不動則復分五路以兩路鈔我軍後兩路左右圍裹一路六七百騎當前挑戰陳集賢等分路迎剿轟斃騎賊甚多賊舍騎搏戰我軍鎗炮環施斃賊數十名奪馬六匹賊卽敗遁初六日回逆五千餘人復由甘肅正甯犯邠境譚玉龍由永樂鎮迎擊賊眾殊死鬥另股麤至我軍漸卻譚玉龍轟擊退後勇丁二名各勇直前奮殺賊遂敗北我軍追五六里適三水各營擊敗之賊竄近永樂譚玉龍回軍轉擊鎗斃二人賊卽繞路

奔歸正甯宮河州巢穴是日共斃賊三四百名生擒七
名奪獲賊馬四十餘匹我軍陣亡勇丁十五名受傷二
十九名初七日另股回逆七八千人復西路入犯譚玉
龍派馬隊二百騎馳扼西路白吉鎮派副將胡日盛等
帶奮勇千人分伏溝中自督隊擊彭家川大股接戰間
一砲轟斃當先紅衣賊目四名賊返奔追至崖側斃賊
三四百名房嶺底廟兩路伏兵各有斬馘賊不敢前惟
龔家莊賊勢較重伏兵不能阻遏由白堡折向永樂譚
玉龍移兵向西北攔截適提督蕭德經總兵羅洪德各

率所部剿敗三水甘家塞攻塞回逆追殺十餘里聞報
馳援兵威頓壯賊遂飛奔回巢我軍陣亡勇丁六名受
傷十一人十一日復有賊騎五六百撲近永樂比譚王
龍出隊賊卽馳遁此邠州三水各營剿回疊勝之實在
情形也其宜君一帶回土各逆之圖內犯者臣劉典所
部各營除分防三水外復分紮宜君同官耀州三交界
之米子要隘臣劉典自駐金鎖關並分兵駐守同官以
通運道自初一日起屢經出隊襲擊逆眾望風卽遁初
八日賊騎二千餘由楊家店東竄臣劉典以古泉爲同

官東北水西要衝亟分兩哨扼紮初九日賊由榆樹坪
南竄臣劉典飭駐米子之提督銜總兵劉端冕總兵黃
有功李大有進剿遇賊于高廟出賊不意擊斃賊十人
賊駭走復追殺數十名生擒五名奪騾馬五匹臣劉典
慮其乘虛以襲宜君飛飭李大有與總兵甘大有副將
唐俊元各抽隊伍於初十日辰刻馳抵宜君該逆馬步
數千人果圍襲縣城前股已竄至城北教場李大有等
乘賊未集擊之該逆分撲我軍勢極克悍我軍嚴陣轟
擊傷賊甚多午刻賊鋒始挫李大有甘大有唐俊元三

路衝殺賊猶回撲十餘次我軍乘勝猛擊陣斬悍賊數十名賊敗遁復竄斃尾賊數十名奪獲牲畜糧糧無算我軍僅受傷一名賊遁至距城二十餘里之高家村我軍收隊入城臣劉典復飭黃有功率隊馳駐以厚兵力並飭都司丁太洋率騎向北路糜子墩偵探回騎數百驟至卽列隊排擊陣斃悍賊二十餘名受傷墜馬者甚眾該逆大股麇集丁太洋已被賊圍裹下馬步戰手斬悍賊數名哨長郭榮陞亦斬悍賊數名身被二十一矛傷猶裹創血戰忽賊騎百餘又自後衝入戕我勇丁三

名失馬七匹李大有督所部馳援賊卽解去丁大洋復
率二十餘騎追殺尾賊三名奪馬二匹而還郭榮陞踣
馬回營旋於次日因傷重殞命其甘肅提督高連陞一
軍臣宗棠先檄令向鄜甘進發而鄜州宜君一帶回逆
潰勇士匪蜂屯蟻聚倏卻倏前初七日高連陞馳抵洛
川縣北五里孝義村適回逆數千攻堡子頭地方村寨
游騎薄城另股踞舊縣菩提原分股入黃龍山內犯澄
城白水各境初八日高連陞馳剿堡子頭圍塞之賊遊
擊吳國富率馬隊掩至塞後高連陞督將士向塞前衝

殺斃賊多名塞圍頓解乘勝追過山前訶賊設伏山溝
遂勒馬山嶺調步隊三路進擊吳國富自左右山凹抄
出步賊先敗騎賊隨之我軍追殺十餘里斃賊二百餘
名墜崖落澗死者無數餘賊向鄜州羊圈一帶逃去其
入犯澄白之回逆聞堡子頭股匪經官軍擊敗卽向西
北宵遁嗣探圍攻鄜州之回土各匪亦相繼解圍遁走
鄜州之路漸通高連陞十二日回軍宜君十四日行抵
偏橋覘賊尙踞彭村高連陞卽率各營由偏橋北繞出
高家村擊之賊見官軍至卽又紛竄追過兩重山嶺猶

狂奔不止僅擊斃落後騎賊而還高連陞飭總兵高有志等五營回駐宜君縣城一營駐古泉護餉道而自率五營駐偏橋以扼洛川中部宜君要衝遏其內犯腹地此宜君洛川剿回邊勝之實在情形也所有力戰捐軀之參將張德林守備郭榮陞千總張玉林均請勅部名照陣亡例議卹以慰忠魂謹附片具奏伏乞聖鑒訓示施行謹

奏

同治六年十一月二十二日

軍機大臣 字寄同治六年十一月二十八日奉

上諭左宗棠奏邠州等處剿匪情形等語回逆及潰勇土匪竄擾邠州三水宜君中部洛川一帶經譚玉龍等軍由邠州之紅崖堡等處分路進剿由正甯犯邠之甘回及另股回匪均經擊敗左宗棠檄飭譚玉龍等軍乘勝進攻務將邠州等處之匪節節掃蕩以期漸次廓清宜君洛川之匪經劉典等軍進剿亦有斬馘賊俱敗遁竄宜之路漸通著左宗棠會商劉典激勵將弁合力兜擊毋令該逆闖入晉疆擾及完善之區陝甘毗境賊勢鴟張庫克吉泰會否帶兵出省著卽懍遵前旨是力剿

辦井再遷延下咎左宗棠喬松年務當悉心籌商妥爲
布置迅殄逆氣此次力戰捐軀之參將張得林守備郭
榮陞千總張玉林均著交部各照陣亡例議卹以慰忠
魂其綏德州失守之總兵陶茂森署知州沈際清本日
已批諭均著革職拏問卽著左宗棠按律懲辦以肅戎
行黃河冰凍陝省之賊處處可以竄晉且匪蹤已及葭
州逼近河干防務極關緊要趙長齡督飭陳湜將沿河
一帶嚴密布置連環偵探毋稍疎虞將此由六百里諭
知左宗棠庫克吉泰喬松年趙長齡並傳諭劉典陳湜

知之欽此

奏延川收復及回捻蹤迹片

再延川綏德兩城矢守後記名提督劉厚基於十月二十八日派四營分兩路由曹家灣山岡壓下一營及小隊循河而北自率馬隊前驅捻逆百餘騎列城外以待劉厚基督隊前擊鎗斃賊賊即卻退復刺斃十餘名賊逃奔劉厚基所派各營皆至賊遂由延川北門狂竄劉厚基入城復斃賊數十名生擒十五名訊據生賊供稱該逆本無攻城之意因見四圍皆山城身圯圯墮石

寥落遂卽攻破初欲在此過仝嗣聞官兵至又向前竄走訊明後均卽斬之城中文武惟訓導趙國珍典史陳桂芬兩員查驗屍骸被戕甚慘其餘尙未查悉劉厚基旋卽拔隊追賊嗣據延榆綏鎮總兵陶茂森稟稱則攻陷綏德州城者確是回逆陶茂森於州城未陷之前十月二十四二十五等日守城擊賊生擒逆回馬如金白鳳山訊知此股回逆係由慶陽九月初十日離巢繞道延安山中而來又據吳堡縣知縣呂懋勛及田西按察使陳湜來稟均稱賊踞綏德州城尙未竄動續據劉厚

基稟報本月初四師抵清澗探悉陷綏德州者實是回
逆現於城外要隘築壘而守四出劫掠逆聞州城尙
有積糧現亦陸續竄赴州城吳堡縣知縣呂懋勛報十
一月初六日辰刻有騎賊千餘由綏德棗林坪竄至朱
家川大河西岸山西防軍隔河施放鎗礮賊知有備回
撲縣城又經城上鎗礮擊退賊旋由西北辛家溝一帶
竄去初八日又有另股由米脂竄入縣境據米脂縣知
縣張守基報十一月初二初三等日有賊撲城陶茂森
及署綏德州知州沈際清於綏德州城失路後退守米

胎憑城擊賊是吳堡初八日所報由米脂縣竄來之賊
當卽此股惟米脂稱係回逆非捻逆與吳堡所報不同
大約十月二十七日竄陷綏德州城者實係慶陽回逆
由延安北路山徑橫竄而出尾捻逆北行其中甘肅潰
卒土匪從而附和騎賊步賊約計不過萬餘至捻逆則
於州城未陷之前陸續竄過其踪跡距葭州不遠現又
併入綏德州城爲就糧待水之計劉厚基抵清澗後分
兩營由山路赴榆林守城而催劉松山郭寶昌速到清
澗取齊趁捻回各逆併聚綏德之時合力圍剿劉松山

郭賢昌於初四日已抵延川初六日可抵清澗已令察探賊蹤迅予截剿入冬以來天氣晴和冰橋尙未凝結似機局實有可乘所有檢回蹤跡軍行日期謹先附片陳明此次延川縣訓導趙國珍典史陳桂芬城陷殉難署都司韓錫恩於綏德州失陷時自北城殉難均應請旨敕部照例議卹其綏德州失守之延榆綏鎮陶茂森署知州沈際清應請

旨一併革職等因其餘各文武俟查明實在下落再行陳明分別辦理伏乞

聖鑒施行謹

奏 同治六年十一月二十二日

軍機大臣奉

旨趙國珍等均著照例議卹陶茂森沈際清均著革職
拿問按律定擬該部知道欽此

軍機大臣 字寄同治六年十一月十九日奉

上諭裕瑞桂成奏賊匪圖窺口外現籌防剿一摺董高二逆分路滋擾定邊一帶逆黨由西路日漸東趨均思竄越邊外蒙兵單薄防不勝防而捻逆現又竄陷延綏河頭一帶防務尤關緊要裕瑞等已將恒昌帶防河保之兵撤回包鎮等處並將一間房駐紮大同官兵調赴包頭交馬陞分布防守卽著飭令該總兵扼要布置力遏狂氛賊蹤日逼晉邊包頭地當衝要左宗棠當速派兵勇將此股賊匪截回毋任肆意奔突致滋延蔓趙長

師催令迅速赴防毋得顧此失彼陝甘毗境賊匪騷張
左宗棠遠在臨潼鞭長莫及庫克吉泰何得安坐省垣
不思振作著卽統帶所部出省相機剿辦倘再畏難株
守卽當重治其罪至派出前敵各軍如相距較遠卽著
飭其相機剿辦不得藉候指示致誤戎機察哈爾距歸
綏不遠輒德恩等所帶蒙兵何以尙不見到著杜嘎爾
嚴飭該參領等尅期帶兵前赴歸綏聽候裕瑞等調遣
裕瑞等當就現有兵力嚴密堵禦一面檄令各盟旗嚴
守游牧地界杜賊闖入所籌國防勸捐事宜著該將軍

等實力舉行期有神益又據文盛奏稱德勒克多爾濟
病痊求賞差使一摺已明降諭旨令該將軍前赴包頭
會同裕瑞等辦理防務矣德勒克多爾濟病體初痊卽
不自耽安逸力圖報效深堪嘉尙著卽迅赴歸綏將包
頭等處防務會同裕瑞等悉心籌畫德勒克多爾濟曾
任綏遠城將軍於該處情形熟悉必能辦理裕如著文
盛知照該將軍尅期起程用副委用將此由六百里各
諭令知之欽此

軍機大臣 字寄同治六年十一月二十二日奉

上諭前因捻匪竄陷延綏兩城回逆滋擾定邊一帶圖
竄邊外晉省西路及歸化包頭等處防堵緊要疊經諭
令裕瑞趙長齡等妥籌堵禦並據趙長齡奏稱如河保
邊防喫緊該撫卽親帶本標兵丁出省扼紮茲據給事
中劉慶奏稱晉防緊要河保清水河等處防務陳湜不
能兼顧請飭趙長齡統兵嚴扼西北裕瑞派兵嚴扼清
水河一帶陳湜嚴防永甯以下等語所奏不爲無見匪
蹤逼近晉疆西北各路恐河冰凍結天險不足深恃所

有晉省西北防務著趙長齡稟遵奏次請旨妥爲布置
嚴飭陳湜就近將晉西防務實力籌辦並著該撫酌量
情形如須出省調度卽親統弁兵前往堵禦以保完善
其北路清水河薩拉齊一帶裕瑞桂成當派撥勁兵實
力扼守並于各要隘先籌堵遏飭各盟旗嚴守牧地毋
稍疎失昨有旨諭令庫克吉泰統兵出省將陝甘接壤
賊匪相機剿辦卽著懷遵前旨迅速出省截剿不准稍
涉遷延致干重咎左宗棠喬松年當力顧全局檄飭追
剿各軍將延綏等處賊匪認真兜剿由西北截向東南

毋任竄越鄰疆蔓延爲患劉慶原摺均著抄給閱看將
此由六百里各諭令知之欽此

奏剿回疊獲大勝摺

奏爲官軍痛剿回逆疊獲大勝恭摺馳陳仰祈

聖鑒事竊十一月二十二日臣等會將西路剿回大獲全勝及邠州三水宜君洛川等處剿回疊勝各情形合詞恭報惟時宜君一帶回股最爲紛雜出沒飄忽雖屢經擊敗而倏去倏來時虞內犯臣劉典因甘肅提督高連陞方自洛川擊退回逆還駐宜君偏橋鎮飭提督銜記名總兵劉端冕由米子馳赴高連陞行營會商兜剿高連陞先開回逆麇聚偏橋西北五十里之窖坪鎮攻

寨收糧十一月十八日率總兵賀三元副將陳得勝何世載鄧王魁參將賀茂林等於午刻馳抵審坪分派隊伍由山左右並進高連陞自山巔馳下該道恃山谿險阻不意官軍突至急釋寨圍併力拒戰高連陞督隊轟斃當先騎賊十餘名乘勢掩擊賊敗潰其另股搜掘窖糧者經左右兩路弁勇同時截擊計共斃賊三百餘名負傷踰澗而遁者鎗斃澗冰盡赤奪獲馬驢七十五匹時已日暮軍士尙未午餐乃以所奪糧食四百餘石及衣服衾褥交團紳散給難民收隊回營劉端冕適至商

定分道裹糧兜剿建莊等處回逆先是臣劉典以劉端冕方會高連陞于偏橋飭總兵黃有功李大有自古泉回駐米子要隘以防回逆乘虛窺伺比劉端冕二十日黎明回營果有回逆于餘騎突至距營十里之鳳凰山並有騎賊十餘名募至濠邊旋即折竄劉端冕料賊有伏飭總兵甘大有副將唐俊元由右參將喻先知參將銜游擊劉仕祁由左繞下山麓偃旗疾進自率中營由山岡進擊行五里賊見我兵單伏賊齊起猛撲劉端冕督隊還轟殲當先悍賊數名甘大有等自左右山麓抄

至鎗礮向上斜擊尤爲得勢斃賊數十名該逆退至鳳
廬山後據險抗拒騎賊皆下馬死鬥劉端冕督隊鏖戰
黃有功李大有甫回米子未及傳餐卽率隊馳擊賊見
官軍踵至棄險而奔劉端冕等奮力追擊山逕險窄墜
崖死者五十餘騎轟斃殺斃者百數十名擊傷無數追
十餘里賊日復嗾數十騎返撲經官軍擊斃戴紅風帽
賊目一名悍賊五騎殲馬七匹餘賊悉向楊家店奔竄
官軍酉刻收隊此二十日剿回獲勝之實在情形也臣
劉典聞報飛飭劉端冕等卽於次日進攻楊家店賊巢

是夜劉端冕探悉該逆萬餘人分踞鳳陽坡黨家店楊
家店一帶蔓延十餘里遂與李大有等商定二十一日
丑刻出隊銜枚疾趨黎明抵鳳陽坡黃有功李大有由
右甘大有唐俊元劉仕祈由左分道下嶺抄擊劉端冕
與喻先知由中路進抵村口游擊王開福千總戴禮富
策馬入村手刃守卡賊二名軍士齊進賊眾倉猝無措
狂叫分逃官軍分路截殺斃賊甚夥左右兩路隊伍皆
至奮威追殺沿途斃賊百餘名直抵楊家店劉端冕督
隊進攻各營分路並進傷賊不計其數賊猶勒馬回鬥

官軍嚴陣壓擊斬悍賊百餘名賊始兩路奔竄追擊十餘里復掩殺尾賊數十名生擒王平安等八十二名白丑至巳士馬飢乏遂收隊駐楊家店此二十一日大獲勝仗之實在情形也方官軍酣戰時臣劉興馳抵鳳凰山劉端冕派弁解到生賊訊據王平安供此股回逆係禹阿渾郭阿渾所管僞元帥馬壯元帶四千餘人阿渾蘇萬元帶八千餘人告奮勇來攻耀州十四日由董志原起程探官軍方擊宜君股逆十九夜抵楊家店二十日急圖乘虛襲陷米子營壘不料爲官軍擊敗馬壯元

受鎗子重傷蘇萬元疑赴建莊糾邀另股再圖入犯不料官軍緊追復又敗潰臣劉典以該逆東竄建莊宜乘其喘息未定急予痛剿飭浙江補用縣丞邵杜馳赴楊家店飭各營乘月進剿劉端冕商令李大有唐俊元劉仕祁山大路進自與喻先知由曹家河小路進比李大

有等至建莊四面兜剿該逆疲乏之餘多繫馬身旁向火斂睡忽聞官軍掩至急起狂奔左逼峻嶺右爲劉端冕等截阻倉黃亂竄迎刃卽倒黎明有奪路竄向中部之店頭者甘大有唐俊元劉仕祁追殺十餘里斬馘不

可勝數其緣崖走者經劉端冕李大有黃有功喻先知等督勇驅擊人馬傷墜屍填深谷李大有等循嶺追擊十餘里該逆不復能成隊矣軍士寒夜渡水十數次冰凝草履倍增重費追剿三日夜翻山越澗勞頓難堪遂收隊回營是役計斃回逆約二千名轟斃墜斃之馬騾約二千有奇生擒韓有德等一百三十餘名收取賊馬百有餘匹訊據賊供馬壯元於二十日受傷後昇至楊家店西北三十里之轉角地方卽已氣絕蘇萬元一股經此次月夜猛擊殺斃甚多被脅甘民逃散殆盡計竄

歸老巢者無幾矣此二十二日大獲勝仗之實在情形也臣等查回逆馬壯元蘇萬元瞰劉端冕赴高連陞行營會商戰事圖陷米子莊壘劉端冕回營迎剿三戰三捷二十一二十二兩戰乘夜猛攻機神敏速以二千餘人三日各疾行百餘里大破萬餘生力之賊僞元帥馬壯元伏誅而官軍並未傷亡一人尤足伸

天討而作士氣劉端冕撲勇奮發曉暢機宜各將士忍飢耐寒奮勉用命其勞績實有未可掩抑者應請

旨將提督銜記名總兵格洪額巴圖魯劉端冕以提督

由軍機處記名候

旨簡用記名總兵振勇巴圖魯黃有功請

交部從優議敘總兵李大有請

賞給勇號閩浙補用副將唐俊元請

賞加總兵銜花翎游擊王開福請以參將補用藍翎千
總戴禮富請以守備補用並

賞換花翎浙江補用縣丞邵杜請以知縣改留陝西儘
先補用其餘在事出力各員并可否擇尤彙案保獎之

處出自

天恩所有本月十八二十二等日官軍在
宜君一帶痛剿回逆悉獲大勝各情形謹合詞恭摺馳
奏伏乞

皇太后

皇上聖鑒訓示施行謹

奏

同治六年十一月二十九日

高連陞等剿賊情形片

再正拜摺間接據高連陞呈報十一月二十一日因劉
端冕駐軍米子地方正與賊相持未及赴會剿之約遂

於未刻裹糧馳赴密坪進搗譚家灣回巢該逆分路抗拒高連陞飭總兵高有志副將李瑞林朱桂馥游擊吳國富擊左路馬步悍賊副將陳得勝何世載鄧玉魁擊密坪對河岸角村來犯之賊白督參將賀茂林江蘇縣丞羅壽昌截擊密坪河下之賊回逆馬步約四千餘人冒死衝撲高連陞督隊擊斃騎賊多名奮力壓剿賊卻退高有志等乘勢進擊三路賊均敗走追至譚家灣賊復返撲數次官軍鎗擊矛刺傷賊甚眾賊遂棄巢狂奔高連陞督隊壓追復斃悍賊二百餘名奪獲騾馬五十

餘匹餘賊向車泉越嶺竄遁日暮收隊回駐窰坪岸角
一帶次日黎明留高有志李瑞林朱桂馥扼窰坪自率
各營馳抵車泉賊騎數百布列前山高連陞飭吳國富
由山澗中繞出賊後賊即馳遁詢據難民僉稱回逆自
譚家灣巢穴被官軍踏毀後恇懼特甚漏夜向雙柳樹
竄去此數百騎乃其斷後悍賊也高連陞督隊疾馳三
十里抵雙柳樹該逆未及午餐聞官軍至倉卒迎拒官
軍直前奮擊斃賊甚多賊復分路竄走陳得勝等蹣踪
追殺賊屍枕藉正追剿間聞窰坪復有另股賊至乃令

吳國富駐雙柳樹促陳得勝等收隊分兵回援審坪忽見雙柳樹之左突來回逆數千高連陞與吳國富卽各占一嶺陳得勝等分起設伏該逆不敢撲近高連陞派洋鎗隊隨吳國富馬隊出賊之左繞至賊後擊斃數賊賊遂驚潰伏兵齊起賊折而北竄復擊斃尾賊十餘名生擒一名訊供此股回逆五千餘人係郭阿渾馬三保高三碼由甘肅西華池前來犯陝逆首現傳令遁回甘境其譚家灣踞逆別是一股訊畢斬之收隊回審坪詢知撲營回逆已經高有志等出隊擊退追殺十餘名斃

賊多名是夕探悉踞店頭之回逆相率遁去二十三日
出隊至張家寨雙柳樹店頭等處探擊賊去已遠審坪
附近數十里均無賊踪蓋官軍已迫近甘肅甯州邊界
矣此高連陞所部二十一二十二等日剿回獲勝之實
在情形也其雙柳樹擊敗之賊中途又合甘肅土匪南
竄曹家河二十四夜三鼓劉端冕令李大有黃有功甘
大有唐俊元由大路進喻先知劉仕祁由右路抄擊劉
端冕居中策應二十五日黎明抵曹家河賊屢敗之後
見官軍卽驚走李大有等分途追剿均有斬馘喻先知

等自八寶嶺抄出見賊向三官廟竄走率隊截剿賊無
去路越嶺踰溝而遁官軍馳及悉殲之共斃賊五六百
名生擒三十餘名奪獲騾驢百餘頭此劉端冕等二十
五日續獲勝仗之實在情形也其甘肅正甯宮河川回
逆出擾陝邊屢爲三水邠州防軍所挫比聞官軍各路
叠獲大捷賊胆益落提督蕭德經自邠州東秦堡剿回
獲勝後聞宮河回逆聚議於二十三夜分向距宮河三
十里之梅子坪合股西竄卽於二十三夜四鼓出隊疾
進宮河川該逆前股甫行蕭德經令總兵江得意副將

蕭以純游擊姚松齡等三路縱火其未竄之賊見官軍驟至出巢拒敵蕭以純首先陷陣各將士左右衝擊斃賊數百名奪獲牲畜甚夥解散難民二千餘人將宮河回逆老巢踏毀附近各堡一律肅清官軍略有傷亡此蕭德經所部二十四日進剿宮河川回逆攻毀老巢獲勝情形也甘肅甯州正甯回逆及陝西回逆之竄擾鄜州中部宜君一帶者至是已盡受大創半回甘境不得與捻逆勾合矣高連陞譚家灣之戰參將羅少林匹馬陷陣手刃悍賊旋爲賊矛刺死審坪之戰參將傅洪達

追賊猛進受傷陣亡應請

收部將參將羅少林傅洪達均照例從優議卹以慰忠魂謹附片馳陳伏乞

聖鑒施行謹

奏
同治六年十一月二十九日

同治六年十二月初六日內閣奉

上諭左宗棠等奏官軍剿回迭勝請將出力人員獎勵一摺回逆屬聚宜君之偏橋窰坪鎮等處總兵劉端冕會商高連陞分道兜剿由建莊追至鳳凰山後該逆據

險抗拒劉端冕率隊馳擊斃賊甚多賊向楊家店鳳陽
坡分竄圖陷米子營壘官軍連次迎剿所向皆捷並將
偽元帥馬壯元殲斃剿辦尙屬得手所有出力文武各
員自應量予獎勵總兵劉端冕著以提督交軍機處記
名候旨簡放黃有功著交部從優議敘李大有著賞給
勝勇巴圖魯名號副將唐俊元著賞加總兵銜游擊王
開福著以參將補用千總戴禮富著以守備補用並賞
換花翎浙江補用縣丞邵杜著以知縣改留陝西儘先
補用其餘在事各員著准其擇尤彙案保獎仍著上宗

榮督飭劉端冕等各率將士乘勝追擊以清餘孽片
奏高連陞所部參將羅少林等在譚家灣等處剿賊陣
亡殊堪憫惻參將羅少林傅洪達均著交部照例從優
議卹該部知道欽此

擒逆渡河犯晉自請從重治罪摺

奏爲擒逆渡河犯晉請

旨將臣從重治罪恭摺馳陳仰祈

聖鑒事竊十一月二十二日臣附報擒逆竄踞綏德情

形後接劉厚基稟報初六七等日劉松山郭寶昌先後
齊抵清澗縣商同初九日大舉規復綏德劉厚基及所
派赴榆林之右後二營途中遇賊均獲小勝嗣接參革
綏德州知州沈際清十一日稟報帶團隨同各軍克復
州城臣以未得劉厚基劉松山等稟報確實情形未敢

率行馳報自得初八日劉厚基一稟後各軍亦迄無續報到營卽沈際清一稟亦係繞由山西遞到二十八日據探捻回各逆回竄宜川韓城河濱正在籌調西路剿回之師分途截剿二十九日酉刻接據山西河東道楊寶臣飛稟捻逆已於二十三日由宜川縣龍王迎一帶渡河犯山西吉州轄境旋據續報逆於二十六七等日南竄河津等語臣聞報之下憂憤無措劉松山郭寶昌兩軍前准山西撫臣趙長齡咨催令其由永甯渡河北剿此時該兩軍或已從上游過河亦未可定臣一面飛

咨趙長齡如劉松山郭寶昌既在上游渡河應從賊之
北面繞過東面先顧直隸邊境再偵賊蹤所至進逼痛
剿劉松山郭寶昌兩軍剿擒屢捷爲賊所憚臣未入秦
之初秦境賴兩軍擊賊得免淪胥若令繞過賊東迎頭
截擊大局或期有濟應請

旨飭下山西撫臣趙長齡確探賊蹤所向催劉松山郭
寶昌兩軍兼程前進由晉之東路兜剿而西毋得躡踪
尾追又落賊後至臣軍多在秦邊剿辦回逆現在臨潼
者僅臣親兵千餘人及副將戴定邦一營其中部宜君

同官耀州三水各路防軍屢捷後本日准劉典緘報距
米子三十餘里青草坪一帶又到有甘肅賊騎萬餘而
長武縣亦報復有甘回大股窺伺其劉典高連陞兩軍
萬難抽撥現飛飭黃鼎譚玉龍率所部由麟遊赴邠州
長武極力堵截而飛調西路數千人星夜東來臣擬俟
各營調到卽親率入晉督剿其陝境防剿回逆事務應
請

飭下三品卿銜臣劉典甘肅提督臣高連陞暫爲督辦
以一事權遇有軍務事件會同撫臣奏報捻逆竄入四

西臣調度無方罪實難追應請

旨將臣先行從重治罪以肅軍政所有捻逆竄擾晉境
微臣擬親率各營入晉情形謹由駟馳

奏伏乞

皇太后

皇上聖鑒訓示施行謹

奏
同治六年十一月三十日

請調馬德昭駐守運城片

再捻氛擾及河津逼近解州運城爲河東鹽務重地關

繫京餉據河東道楊寶臣稟運城現無兵勇請撥距蒲
州較近之兵迅速赴援前來臣軍各營駐紮地方無與
山西蒲州相近者若俟調到西路各營再飭馳援深恐
緩不及事查駐紮潼關城後禁溝之豫軍提督馬德昭
四營與河東較近上年曾赴山西協防蒲境賴以鎮定
現在潼關以外無庸扼堵正可移緩就急臣已一面飛
調馬德昭赴山西解州運城駐守飭楊寶臣將臣所存
匯票餉銀酌提辦糧供馬德昭軍食并咨河南撫臣李
鶴年查照俟臣軍馳抵運城後馬德昭所部仍俟李鶴

年酌量勸遵附片馳

奏伏乞

聖鑒施行謹

奏同治六年十一月三十日

留劉典等剿辦陝回片

再臣此次擬入晉助剿原以大局攸關妄冀收桑榆之效非敢置陝甘危境於度外也臣所擬調西路數營非臣躬親調度不可卽劉松山郭寶昌兩軍素稱勁旅而主持亦不可無人若臣不入晉徒派數營前往助剿則

彼此情勢睽斷難得力且臣軍既抽調精銳赴晉助剿僅留親兵駐秦於秦事亦必無濟捻逆既竄晉疆則陝西軍事但剿回逆劉典高連陞謀勇兼資臣所素信如果假以事權尙期勝任一俟晉事略定臣屆時回陝赴甘亦不至顧此失彼區區愚忱竊念事須權其輕重非敢稍存遊就之思謹附片瀝陳伏乞

聖鑒訓示施行謹

奏 同治六年十一月三十日

軍機大臣 字寄同治六年十二月初八日奉

上諭前因捻逆竄過黃河擾及晉疆疊經諭令左宗棠督兵入晉先顧大局茲據左宗棠奏捻逆渡河犯晉自請治罪並調馬德昭駐守運城留劉典等剿辦陝回各摺片覽奏均悉捻匪由吉州南竄河津蒲解一帶防務喫緊運城鹽庫爲餉源所自出左宗棠現調馬德昭一軍進紮運城著卽檄令星夜拔營馳赴該處駐紮相機進剿並著李鶴年一體嚴催飭令尅日起程不得稍延時日左宗棠當懷遵疊諭迅速入晉督剿劉松山郭寶昌兩軍並著左宗棠趙長齡迅速催提兼程來晉繞由

東路兜剿而西與陳湜所部會合夾擊昨因東省捻股殲除將盡李鴻章兵力有餘已諭令該大臣等將程文炳宋慶兩軍由山東直隸赴晉助剿張曜一軍由山東移赴河北堵剿該將領等到晉豫後卽著歸左宗棠調遣並著一面催提以厚兵力此次捻匪入晉該大臣竟未能立時得信日久始得消息朝廷焦盼已久前經吏部遵旨將該大臣嚴議革職已加恩改爲革職留任所請從重治罪之處著暫行寬免該大臣當思奮勉立功力圖自贖倘再仍前貽誤寬典豈能再邀且該大臣由

聞浙總督調任陝甘授爲欽差大臣督辦陝甘軍務倚
任不爲不重若不振奮精神力求成效清夜自思何以
自安陝省回匪未靖且續有由甘東犯大股該處軍務
卽着責成劉典高連陞庫克吉泰喬松年會籌剿辦喬
松年責任封圻亦當會商劉典等調度不得置身事外
本日據前任太僕寺卿徐繼畬給事中白恩佑御史郭
從矩等奏陳山西軍務布置機宜並請飭陳國瑞余承
恩帶兵赴晉各摺已諭令官文韶令余承恩統帶所部
西行入晉矣陳國瑞前已有旨令赴山東歸丁寶楨差

委現在東省軍務較鬆陳國瑞等改發山西交左宗棠
差遣卽著該員與宋慶程文炳合統兵赴晉與余承恩
所部均歸左宗棠節制調遣徐繼畬白恩佑原摺均著
鈔給左宗棠趙長齡閱看郭從矩原摺著摘鈔給左宗
棠等閱看該京卿等所陳布置機宜並著左宗棠趙長
齡斟酌情形辦理將此由六百里諭知左宗棠庫克吉
泰喬松年趙長林李鶴年並傳諭劉典知之